



ILIDŽA

INFORMATIVNI BILTEN OPĆINE ILIDŽA

Ilidža • Mart-April 2021
• Broj 195



Obilježen 1. mart, Dan nezavisnosti BiH



Načelnik Općine Ilidža, Nermin Muzur i predstavnici Općinskog vijeća Ilidža, predvođeni predsjedavajućim Tarikom Stambolićem, povodom obilježavanja 1. marta - Dana nezavisnosti Bosne i Hercegovine, odali su počast šehidima i poginulim borcima polaganjem cvijeća na centralnom spomen-obilježju Ilidža i na spomeniku borcima NOR-a (spomen Kosturnica).

„Ovom prilikom još jednom upućujemo čestitke građanima povodom jednog od najznačajnijih datuma u his-

toriji savremene Bosne i Hercegovine. Podsjećamo da je obaveza svih nas čuvati sjećanje na one koji su dali svoj život za nezavisnosti Bosne i Hercegovine i da je naša dužnost nastaviti graditi bolju, ljepšu i prosperitetniju Bosnu i Hercegovinu“, kazali su načelnik Muzur i predsjedavajući Stambolić.

Obilježavanju su prisustvovali predstavnici političkih partija, udruženja i organizacija sa područja ove općine.

Sretan Dan nezavisnosti Bosne i Hercegovine!

Sretan 12. mart, Dan Općine Ilidža

Polaganjem cvijeća na Centralnom spomen obilježju Ilidža i spomeniku borcima NOR-a zbog trenutne epidemiološke situacije na simboličan način obilježen je Dan općine Ilidža - 12. mart. Poštujući naredbe i mjere nadležnih organa koje se odnose na zaštitu zdravlja građana, otkazani su svi drugi događaji koji su bili planirani za ovaj dan.

S tim u vezi, delegacija Općine Ilidža predvođena načelnikom Nerminom Muzurom, predstavnici rukovodstva Općinskog vijeća, predstavnici parlamentarnih stranaka i predstavnici boračkih i nevladinih organizacija, odali su počast šehidima i poginulim borcima. Nakon polaganja cvijeća i odavanja počasti, delegacije su posjetile i mezarje rahmetli načelnika Amira Čenanovića i Huseina Mahmutovića.

„Nažalost zbog trenutne epidemiološke situacije nismo bili u mogućnosti da ovaj dan obilježimo i proslavimo u skladu sa njegovim značajem i zajedno sa svim građanima općine Ilidža. 12. mart jedan je od najznačajnijih datuma u historiji naše općine, koji trebamo obilježavati svi zajedno te se nadamo da ćemo u narednim godinama imati priliku

okupiti se u što većem broju. Ovaj dan je podsjetnik mira i slobode, ali i prilika da podsjetimo na značaj i potrebu međusobnog uvažavanja, razumijevanja, podrške i zajedničkog djelovanja sa ciljem unapređenja naše lokalne zajednice. Svim građanima i građankama općine Ilidža u ime Općine Ilidža i Općinskog vijeća Ilidža, želimo sretan 12. mart - Dan općine Ilidža“, kazali su načelnik Muzur i predsjedavajući Stambolić.





Druga redovna sjednica: Usvojen Budžet u iznosu 39.100.000 KM

Na Drugoj redovnoj sjednici Općinskog vijeća Ilidža koja je održana online, usvojen je Budžet Općine Ilidža za 2021. godinu u ukupnom iznosu od 39.100.000,00 KM i isti se sastoji od tekućih prihoda planiranih u iznosu od 26.007.322,00 KM i prenesenih sredstava iz prethodne godine u iznosu od 13.092.677,00 KM.

Navedeni prihodi su prijedlogom budžeta raspoređeni u okviru slijedećih programa:

PROGRAM

ukupno


1. Program podrške rada parlamentarnih političkih stranki i izborne aktivnosti 215.718,40
2. Programi socijalne potpore 1.529.309,00
3. Programi potpore boračkoj populaciji 765.000,00
- 4.. Program aktivne politike zapošljavanja i razvoja privrede i turizma 564.000,00
5. Program podrške institucijama i subjektima od interesa za razvoj lokalne zajednice 842.200,00
6. Program projekata za razvoj kulture, sporta i obrazovanja 1.881.600,00
7. Program prostornog planiranja i uređenja građevinskog zemljišta 8.602.000,00
8. Program sanacije devastiranog stambenog fonda 550.000,00
9. Program unapređenja stanja lokalnih cesta 5.610.000,00
10. Program uređenja javnih površina i zaštite okoliša 3.335.000,00
11. Program izdataka za prirodne i druge nesreće i izgradnja i održavanje skloništa 2.651.819,35

Kada je u pitanju struktura rashoda bitno je dodati da je Budžet razvojni sa naglašenom socijalnom komponentom obzirom da se za te namjene izdvaja 2.300.000 KM, dok se za kapitalne projekte izdvaja 18.175.380 KM.

Kao značajnije stavke budžeta posebno je potrebno istaći:

- * isplate stipendija - 622.450,00 KM
- * participacija u liječenju - 150.000,00 KM
- * sufinansiranje troškova za medicinski potpomognutu oplodnju - 50.000,00 KM
- * jednokratna novčana pomoć ugroženim porodicama - 320.000,00 KM
- * jednokratna novčana pomoć za novorođenu djecu - 180.000,00 KM
- * umrline za penzionere - 48.000,00 KM
- * isplata novčane pomoći - Ugovor sa CRS - 8.400,00 KM
- * zdravstvena zaštita lica u stanju socijalne potrebe - 50.000,00 KM
- * transfer za humanitarno - karitativne organizacije - javne kuhinje - 70.000,00 KM
- * izdaci za vojne invalide, ranjene borce i porodice poginulih - 100.000,00 KM
- * finansiranje i sufinansiranje najboljih poslovnih planova sredstvima iz Budžeta Općine Ilidža namjenjenih razvoju poduzetničke inicijative mladih sa područja Općine Ilidža - 70.000,00 KM
- * program sufinansiranja zapošljavanja - 140.000,00 KM
- * podsticaj privrednim subjektima Općine putem regresiranja dijela kamatne stope - 30.000,00 KM

- * program sufinansiranja samozapošljavanja po javnom pozivu - 104.000,00 KM
 - * podrška poljoprivrednoj proizvodnji - 200.000,00 KM
 - * kapitalni transfer V PU Ilidža za nabavku opreme - 50.000,00 KM
 - * kapitalni transfer vjerskoj zajednici - Džamija Stupsko brdo - 50.000,00 KM
 - * Budžet za mlade - Implementacija strategije prema mladima - 100.000,00 KM
 - * nagrade za dobitnike priznanja Zlatna i Srebrna značka - 10.000,00 KM
 - * podrška stambenom zbrinjavanju mladih putem ostvarivanja prava na subvenciju plaćenog poreza na promet nepokretnosti i pdv-a - 50.000,00 KM.
- U dijelu kapitalnog budžet planirana su značajna sredstva za izgradnju objekata i komunalnu infrastrukturu kroz slijedeće projekte:
1. Uređenje major korita 80.000,00
 2. Nužne popravke na objektima kolektivnog stanovanja 250.000,00
 3. Utopljavanje objekata uz učešće građana 200.000,00
 4. Poboljšanje energetske efikasnosti u zgradama (učešće Općine Ilidža 30%) 100.000,00
 5. Uređenje parkovskih površina i fontana 000,00
 6. Uređenje Rimskog mosta 30.000,00
 7. Projektovanje izgradnje Osnovne škole na području MZ Stup II: 70.000,00
 8. Izrada i revizija projektne dokumentacije i saglasnosti za objekte u vlasništvu Općine 110.000,00
 9. Izrada i revizija projektne dokumentacije i saglasnosti za objekte koji nisu vlasništvo Općine 70.000,00
 10. Izgradnja i rekonstrukcija javne rasvjete po mjesnim zajednicama 300.000,00
 11. Izgradnja i projektovanje sekundarne vodovodne mreže u MZ uz učešće građana 1.400.000,00
 12. Izgradnja i rekonstrukcija kanalizacione mreže po mjesnim zajednicama uz učešće građana 1.000.000,00
 13. Izgradnja, rekonstrukcija i sanacioni radovi na objektima škola, domova kulture, poslovnih prostora, ambulanti, mjesnih zajednica kao i vanjsko uređenje oko istih 150.000,00
 14. Izgradnja žičare Hrasnica-Igman i Vrelo Bosne-Golo Brdo 25.000,00
 15. Izgradnja stepeništa Hrasnica - ratni put 50.000,00
 16. Pješačka zona - Rustempašina i proširenje Male Aleje 300.000,00
 17. Izgradnja dječijih igrališta i sportskih ploha 300.000,00
 18. Rekonstrukcija KSC Hrasnica 100.000,00
 19. Uspostava Centra za komunalne usluge 10.000,00
 20. Izgradnja objekta za djecu sa poteškoćama u razvoju 50.000,00
 21. Centar za zdravo starenje 50.000,00
 22. Rekonstrukcija i dogradnja V Osnovne škole- Sokolović Kolonija 300.000,00



23. Rekonstrukcija obdaništa Lužani	600.000,00
24. JU KSRC Hrasnica Ilidža - izgradnja pomoćnog terena sa umjetnom travom	300.000,00
25. JU KSRC Hrasnica Ilidža - izgradnja reflektora i ograde	180.000,00
26. JU KS Ilidža - rekonstrukcija dvorane "Sabit Hadžić"	300.000,00
27. Izgradnja Osnovne škole na području MZ Stup II	
28. Vrtić Hrasnica	50.000,00
29. Prenumeracija ulica i postavljanje uličnih brojeva	20.000,00
30. Kapitalni transfer vjerskoj zajednici - Džamija Stupsko brdo	50.000,00.
U segmentu cestogradnje i održavanja cesta planirana su sredstva u iznosu od 5.660.000 KM.	

Također, vodeći se trenutačnom situacijom vodilo se računa da se ukupno raspoloživa sredstva civilne zaštite rasporede na način da se osiguraju adekvatna finansijska sredstva za nabavku dezinfekcionih sredstava i zaštitne opreme (200.000 KM) kao i da se osiguraju sredstva neophodna za sanaciju šteta nastalih prirodnim i drugim nesrećama koja će se u slučaju proglašenog stanja nesreće iskoristiti kao pomoć našim građanima (490.000 KM).

Takođe, usvojene su Odluka o izmjenama i dopunama Odluke o kriterijima, načinu i postupku raspodjele budžetskih sredstava općine ilidža iz grantova za projekte u oblasti sporta, kulture i obrazovanja i Odluka o izmjenama Odluke o jedinstvenim kriterijima finansiranja djelatnosti nevladinih i neprofitnih boračkih udruženja/saveza koje će omogućiti transparentiji i efikasniji pristup raspodjeli sredstava udruženjima i nevladinim organizacijama putem javnog poziva za projektne prijedloge shodno definisanim kriterijima.

Razmatrani su Periodični finansijski izvještaj za period 01.01. - 31.12.2020. godine, Odluka o godišnjem finansijskom izvještaju Općine Ilidža za period 01.01.-31.12.2020. godine, Odluka o izmjenama Odluke o plaćama i naknadama Općine Ilidža koja obračun i isplatu plata, Odluka o utvrđivanju prosječne konačne građevinske cijene po 1 m2 korisne površine u stambenoj izgradnji na području

općine Ilidža u 2020. godini, Odluka o visini naknade za pogodnost gradskog građevinskog zemljišta - rente na području općine Ilidža za 2021. godinu, Izvještaj o radu općinskog organa uprave, stručnih i posebnih službi za 2020. godinu, Izvještaj o upravnom rješavanju upravnih stvari u upravnom postupku za 2020. godinu, Izvještaj o radu Pravobranilaštva Općine Ilidža za 2020. godinu, Program rada Pravobranilaštva Općine Ilidža za 2021.godinu i Izvještaj o radu Drugostepene stručne komisije Općinskog vijeća za 2020. godinu sa ocjenom stanja i prijedlogom mjera koji su usvojeni većinom glasova vijećnika Općinskog vijeća.

Nisu usvojeni Izvještaj o izvršenju Budžeta općine Ilidža za period od 01.01.-31.12. 2020. godine, Izvještaj o radu JU KSIRC „Ilidža“ za period 01.01. - 31.12. 2019. godine i Izvještaj o finansijskom poslovanju JU KSIRC „Ilidža“ za period 01.01.-31.12. 2019. godine.

Razmatran je Finansijski Izvještaj boračkih udruženja o utrošku ukupno dodjeljenih sredstava za redovne djelatnosti i projektne aktivnosti iz Budžeta Općine Ilidža za 2020. godinu u skladu sa članom 15. i 16. Odluke o jedinstvenim kriterijima finansiranja djelatnosti nevladinih i neprofitnih boračkih udruženja/saveza koji nije usvojen s obzirom da su vijećnici Općinskog vijeća tokom diskusije istakli da Odluka o jedinstvenim kriterijima finansiranja djelatnosti nevladinih i neprofitnih boračkih udruženja/saveza usvojena od strane Općinskog vijeća Ilidža 2009.godine u proteklom godinama nije implementirana te da izvještaji nisu dostavljeni u skladu sa propisanim članovima Odluke te da raspodjela sredstava nije vršena na transparentan način niti u skladu sa propisanim kriterijima.

Usvojena je Odluka o dodjeli priznanja općine Ilidža za 2021. godinu i to:

POVELJA POČASNI GRAĐANIN

- Šerif Konjević

POVELJA ZA ŽIVOTNO DJELO

- Fahrudin Budnjo (posthumno)

- Suad Jukić - Šule

- Josip Katalinski - Škija (posthumno)

- Damjan Babić - Dašo (posthumno)

- Mladen Tomić

III/ ZLATNA PLAKETA (POJEDINAČNA)

- Muriz Memić

IV/ ZLATNA PLAKETA (KOLEKTIVNA)

- Covid ambulanta - Dom zdravlja Ilidža

V/ SREBRENA

PLAKETA (KOLEKTIVNA)

- Udruženja Veterana policije 91-95 Općine Ilidža

VI/ ZAHVALNICE

- Fahrudin Kahvić

- Akif Stambolić - posthumno

- Nedim Mekić

- Hamed Kadić

- Nusret Rovčanin - Giško - posthumno

- JU „Kantonalni centar za socijalni rad“

- Služba socijalne zaštite Općine Ilidža

VII/ PLAKETA ODBRANE

- Hase Tirić





Treća redovna sjednica Općinskog vijeća Ilidža



Općinsko vijeće Ilidža na trećoj redovnoj sjednici održanoj online donijelo je niz olakšica za građane i korisnike javnih površina ili poslovnih prostorija na kojima pravo raspolaganja ima Općina Ilidža.

S tim u vezi, donesena je Odluka o privremenom umanjuju naplate za korisnike javnih površina i pogodnostima plaćanja dospjelih obaveza. Tom Odlukom utvrđuju se uslovi i način umanjivanja naknade i pogodnosti plaćanja dospjelih, neizmirenih obaveza za korisnike javnih površina na području općine Ilidža zbog otežanog poslovanja izazvanog pandemijom virusa COVID-19. Umanjuje se naknada u visini od 50 posto mjesečne zakupnine aktivnim korisnicima i zakupcima (pravnim i fizičkim licima) za privremeno korištenje javnih površina zauzetih objektima privremenog karaktera i sadržajima postavljenim na javnoj površini za period od 01. maja 2021. godine do 31. jula 2021. godine. Umanjenje se neće primjenjivati na sljedeće poslovne subjekte: osiguravajuća društva, kladionice, privredivače igara na sreću, apoteke, pekare, trgovine prehrambenim proizvodima i kioske. S obzirom na stanje prouzrokovano pandemijom virusa COVID - 19, te imajući u vidu negativne ekonomske posljedice u 2020. godini i u 2021. godini, korisnici javnih površina su suočeni sa smanjenim prihodima i krajnje otežanim načinom poslovanja. Zbog navedenih uslova poslovanja, utvrđena je opravdanost i svrsishodnost umanjivanja njihovih obaveza prema lokalnoj zajednici po osnovu korištenja javnih površina tako da je i predložena Odluka sa ciljem ublažavanja negativnih ekonomskih posljedica po privredu na području općine Ilidža.

Donesena je i Odluka o dopunama Odluke o dodjeli u zakup poslovnih zgrada i poslovnih prostorija na kojima pravo raspolaganja ima Općina Ilidža. Potreba donošenja ove odluke u smislu olakšica za zakupoprince poslovnih prostorija u kojima je bio i jeste zabranjen rad, a zbog određene vrste djelatnosti, jeste obaveza lokalne zajednice. Ovom dopunom odluke, zakupoprinci koji uslijed preporuka kriznih štabova i naredbama Vlade nisu u mogućnosti koristiti poslovne prostorije mogu se osloboditi naplate ugovorene zakupnine u cjelosti ili djelimično. Ova Odluke se odnosi na zakupoprince poslovnih zgrada i poslovnih prostorija u vlasništvu Općine Ilidža, čije su dospjele, a neplaćene obaveze po osnovu zakupnine nastale u periodu trajanja pandemije COVID-19, odnosno od 16. marta 2020. godine do 31. decembra 2020. godine. Dozvoljava se zakupcima poslovnih zgrada i poslovnih prostorija u vlasništvu Općine Ilidža, da svoje dospjele, a neizmirene obaveze, a koje su nastale u tom periodu da plate na jednake rate, najkasnije do 31. decembra 2021. godine.

Općinsko vijeće Ilidža donijelo je i Odluku o sufinansiranju izrade termo fasada - utopljanje stambenih zgrada za kolektivno stanovanje. Sredstva za ovu Odluku Općina Ilidža će raspoređivati na osnovu „Javnog poziva“ za zgrade za koje je priložena potrebna dokumentacija.

Takođe, donesena je i Odluka kojom se raspisuju izbori za članove Savjeta mjesnih zajednica u svim mjesnim zajednicama na području općine Ilidža, a koji će se održati u nedjelju 06. juna 2021. godine od 8:00 do 18:00 sati. Broj članova Savjeta mjesnih zajednica utvrđen je Pravilima mjesnih zajednica za svaku mjesnu zajednicu pojedinačno, s tim da broj članova ne može biti manji od pet niti veći od devet. Kandidate za članove Savjeta mjesnih zajednica mogu predlagati građani koji imaju prebivalište na području te mjesne zajednice putem e-mail adresa mjesnih zajednica ili kancelarije mjesne zajednice na propisanom obrascu. Rok za predlaganje kandidata je od 30. aprila do 7. maja 2021. godine.

Donesene su i Odluka o osnivanju i djelokrugu Jedinastvenog organa uprave općine Ilidža zbog potrebne da ista uskladi sa zakonskim okvirima, Odluka o posebnim uslovima za imenovanje predsjednika i četiri člana Drugostepene stručne komisije Općinskog vijeća Ilidža i Odluka o objavljivanju javnog oglasa za imenovanje predsjednika i četiri člana Drugostepene stručne komisije Općinskog vijeća Ilidža.

Općinsko vijeće Ilidža nije prihvatilo godišnji izvještaj za 2020. godinu Javnog preduzeća za obavljanje komunalnih i drugih djelatnosti od javnog interesa Općine Ilidža „Ilidža“ d.o.o. kao ni Izvještaj o radu Skupštine, Nadzornog odbora, Odluku o raspodjeli dobiti za 2021. godinu.

Na prijedlog načelnika i parlamentarne većine usvojeni su sljedeći zaključci:

* Zadužuju se organi JP „Ilidža“ d.o.o da u narednom periodu, prilikom planiranja i realizacije poslovanja ovog preduzeća, posebno vode računa o ekonomičnosti ostvarivanja i akumuliranja dobiti, s obzirom da je primarna svrha poslovanja zadovoljavanje javnih potreba građana na troškovno efikasan način, a ne maksimiziranje i akumulacija dobiti.

* Zadužuje se Služba za razvoj, komunalne poslove i puteve i Služba za imovinsko-pravne poslove, stambene, geodetske poslove i katastar nekretnina da u konsultaciji sa organima JP „Ilidža“ d.o.o u roku od 90 dana iznađu lokacijsko rješenje za smještaj baze i administrativnog sjedišta ovog preduzeća, te da o navedenom informiraju OV Ilidža. Zadužuje se Skupština JP „Ilidža“ d.o.o da putem Nadzornog odbora i Uprave preduzeća odmah po donošenju ovog zaključka realizira projekat dodatnog zapošljavanja potrebnog broja sezonskih radnika u periodu od pet mjeseci na poslovima javne higijene i hortikulturalnog uređenja na području općine Ilidža, a na teret vlastitih sredstava iz ostvarene dobiti za 2020.

Usvojen je i Izvještaj o radu Savjeta MZ za 2020. godinu i Plan rada za 2021. godinu.

Pred vijećnicima su bile i informacije o korištenju prostorija mjesnih zajednica na području općine Ilidža u 2020. godini, provedenim aktivnostima vakcinacije sa dehelminizacijom, čipiranja i registracija pasa na području općine Ilidža, te Informacija o zimskom održavanju saobraćajnica na području općine Ilidža za 2020/2021. godinu.



Plan djelovanja Štaba Civilne zaštite

Štab civilne zaštite Općine Ilidža na čelu sa komandantom štaba načelnikom Nerminom Muzurom, usvojio je Plan djelovanja Štaba civilne zaštite za period trajanja pandemije - COVID 19 na području Općine Ilidža.

Predviđeno je provođenje preventivnih mjera u skladu sa trenutnom epidemiološkom situacijom u Kantonu Sarajevo i pojavom sve većeg broja novozaraženih građana i građanki.

Kontinuirano će se vršiti dezinfekcija javnih površina na kojima je veći protok građana kao što su područja oko svih javnih objekata, Doma zdravlja Ilidža, Općine Ilidža, autobusnog i tramvajskog terminala, sportskih ploha, dječijih igrališta itd.

Takođe, biće angažovane sve strukture civilne zaštite koje će djelovati na terenu i biti na usluzi građanima.



Sve informacije o realizaciji usvojenih mjera i Plana djelovanja biće dostupne građanima na zvaničnoj web stranici Općine Ilidža.

„Pozivamo sve građane i građanke da budemo odgovorni, da sarađujemo, razmjenjujemo informacije i da zajedno prevaziđemo trenutnu situaciju u kojoj se nalazimo“, poručio je načelnik Muzur.



Otvoren Drive in punkt za testiranje

Na području općine Ilidža od 19. marta 2021. u funkciji punkt za drive-in testiranje na koronavirus.

Punkt na Ilidži nalazi se u ulici Banjska, tačnije Banjski parkovi kod rimskih iskopina, odnosno na parkingu pored Obrazovno-raznodnog centra Spajalica.

Na ovaj način zdravstvena usluga koja se odnosi na borbu protiv koronavirusa u Kantonu Sarajevo, dodatno je unaprijeđena s obzirom na činjenicu da postojeći drive-in punktovi bilježe veliki dnevni pritisak i frekvenciju vozila.

Radno vrijeme punkta je od 8 do 18 sati, za sve građane koji dobiju elektronsku uputnicu za testiranje na koronavirus od porodičnog ljekara.

„U saradnji sa Domom zdravlja, predstavnicima Vlade KS i Ministarstva zdravstva KS uspjeli smo da u najkraćem roku obezbijedimo uslove za postavljanje drive-in punkta na Ilidži. Na ovaj način ćemo smanjiti gužve ispred Doma zdravlja. Nastavit ćemo i dalje provoditi preventivne aktivnosti ali i pronalaziti mehanizme kako bi olakšali i pružili svu potrebnu podršku našim građanima“, rekao je načelnik Muzur.

„Osim dva nova drive-in punkta, od jutros je u funkciji i call centar za psihološku pomoć COVID bolesnicima, a radiće svaki dan od 8 sati ujutru do 20 sati. Svim ovim aktivnostima nastojimo rasteretiti primarnu zdravstvenu zaštitu. Uz apel građanima na poštivanje epidemioloških mjera, pozivam ih da u što većem obimu koriste drive-in punktove prilikom testiranja, da bi se stvarale manje gužve ispred domova zdravlja“, rekao je ministar zdravstva KS Haris Vranić.

Otvoren Info desk ispred Općine

O bavlještavmo građane i građanke da je od 24.03.2021.godine uspostavljen Info Desk ispred Općine Ilidža.

Zbog trenutne epidemiološke situacije i bolje i efikasnije komunikacije sa građanima, ispred Općine Ilidža otvoren je eksterni Info Desk na kojem će građani moći:

- * preuzeti sve zahtjeve (obrasce) iz djelokruga Općine,
- * predati zahtjeve za koje nije potrebna ovjera i kupovina administrativnih taksi,
- * izdavanje uvjerenja iz oblasti boračko-invalidske zaštite i socijalne zaštite i
- * izdavanje kopija katastarskih planova.

U Centru za pružanje usluga građanima u prostorijama Općine Ilidža će se i dalje vršiti ovjera dokumenata, prodaja administrativne takse i svi poslovi iz oblasti matičnog ureda.

Radno vrijeme Info Deska i Centra za pružanje usluga građanima je od 07:30 do





Načelnik Muzur obišao građevinske radove

Načelnik Nermin Muzur i predsjedavajući Općinskog vijeća, Tarik Stambolić i dopredsjedavajući Redžo Lemezan i Samir Avdić, obišli su infrastrukturne radove koji su započeti na području općine Ilidža.

„Prilikom pripreme Budžeta Općine Ilidža, razgovarali smo sa građanima i informisali se o najvećim problemima i potrebama u njihovim mjesnim zajednicama. Cilj nam je kontinuirano ulaganje i obnova infrastrukture u našoj lokalnoj zajednici i stvaranje povoljnog ambijenta za život naših građana“, kazao je načelnik Muzur.

Projekti koji su trenutno u fazi realizacije su dionica Hrasničke ceste do kružnog toka kod Internacionalnog univerziteta u Sarajevu, kružni tok na raskrsnici ulica M17 - Bosanskih gazija - Ibrahima Ljubovića i ulica Hendekuša - Stara pruga.

U narednom periodu realizacija velikih infrastukturnih projekata

Uposjeti općinskom načelniku Nermin Muzuru bio je ministar saobraćaja Kantona Sarajevo Adnan Šteta.

Dogovoreni su naredni koraci u realizaciji izuzetno bitnih infrastukturnih projekata za Općinu ilidža u saradnji sa Ministarstvom za saobraćaj i Vladom Kantona Sarajevo.

„U proteklom periodu smo održali nekoliko sastanaka na kojima smo razmatrali mogućnosti saradnje Općine Ilidža i Ministarstva saobraćaja u vrlo važnim infrastukturnim projektima na našoj lokalnoj zajednici. Vlada Kantona Sarajevo usvojila je Program održavanja, rekonstrukcije i izgradnje saobraćajnica na području Kantona Sarajevo za 2021.godine i izuzetno nas raduje što su prepoznali značaj realizacije projekata i rekonstrukcije na našoj općini. Koristim priliku da se zahvalim ministru Šteti na podršci i na izuzetnoj saradnji i radujemo se projektima koje ćemo realizirati“, kazao je načelnik Muzur.

U narednom periodu realizirat će se sljedeće:

- * Rekonstrukcija isključne trake sa ceste Zapadni prilaz gradu u naselju Osijek,
- * Regionalni put R952 Butila - Osik - Plandište, dionica: Stara pruga - Osijek,
- * Kružni tok na spoju ulica M17 - Ibrahima Ljubovića - Bosanskih gazija
- * Ratni put prema Igmanu,



Zajednički projekti za boračku populaciju

Popravka stambenih objekata, stambeno zbrinjavanje, pripravnički staž osoba koje dolaze iz porodica šehida i poginulih boraca, bile su teme sastanka načelnik Nermina Muzura sa ministrom za boračka pitanja KS Omerom Osmanovićem. Tokom sastanka je poručeno kako će učiniti sve za dobrobit ove populacije. Nikada neće i ne smiju zaboraviti na borce, ali ni na članove porodica šehida i poginulih branitelja.

Iako, još uvijek nije precizirano koliko finansijskih sredstava treba uložiti za popravku stanova, Načelnik i Ministar su se složili da na ovom projektu trebaju raditi zajedno. Ovom prilikom ministar je posebno ukazao na probleme koji postoje prilikom obezbjeđenja stanova za šehidske i porodice poginulih boraca.

Na kraju sastanka dogovoreno je da će se pripremiti aktivnosti koje će se realizirati u saradnji Općine i Ministarstva.

* Ulica Hrasnička cesta od spoja sa ulicom Butmirska cesta do spoja sa M17,

* Postavljanje i obnova vertikalne saobraćajne signalizacije u nadležnosti Direkcije za puteve na području općine Ilidža,

* Ulica Stojčevac.

Vlada Kantona Sarajevo usvojila je i Odluku o usvajanju projekta kapitalne investicije „Izgradnja tramvajske pruge Ilidža - Hrasnica“

„Izgradnja tramvajske pruge za Hrasnicu je prioritetni projekat i vrlo je važan za općinu Ilidža, ali i za Kanton Sarajevo. U narednom periodu planiramo realizaciju započetih projekata ali i planiramo druge vrlo važne projekte u ovoj općini“, kazao je ministar Šteta.





Uručena donacija Domu zdravlja i Petoj policijskoj upravi

Načelnik Općine Ilidža Nermin Muzur i dopredsjedavajući Općinskog vijeća Redžo Lemezan uručili su donaciju zaštitne opreme i dezinfekcionih sredstava Domu zdravlja Ilidža i Petoj policijskoj upravi Ilidža. Uručene su jednokratne zaštitne maske, jednokratne rukavice, jednokratni kombinezoni i dezinfekciona sredstva.

„Općina Ilidža će u skladu sa mogućnostima pružati podršku radu Doma zdravlja Ilidža i Pete policijske uprave Ilidža i izuzetno je bitno da zajedno djelujemo i pružamo podršku jedni drugima na prevenciji širenja koronavirusa“, izjavio je načelnik Muzur.

Pripadnici Civilne zaštite su građanima i građankama Ilidže dijelili jednokratne zaštitne maske u skladu sa Planom djelovanja Štaba civilne zaštite Općine Ilidža u borbi protiv širenja koronavirusa.

Stečeni uslovi za isplatu stipendija

Na Prvoj redovnoj sjednici Općinskog vijeća Ilidža održanoj 18.02.2021. godine, Općinsko vijeće na prijedlog Općinskog načelnika donijelo je Odluku o stipendiranju talentovanih učenika i studenata u školskoj/akademskoj 2020./2021. godini, Odluku o stipendiranju učenika i studenata slabijeg imovnog stanja i Odluku o stipendiranju djece bez oba roditelja i djece bez roditeljskog staranja učenika i studenata u školskoj/akademskoj 2020./2021. Prema ovim odlukama stipendirat će se oko 700 učenika i studenata.

Usvajanjem Budžeta Općine Ilidža za 2021. godinu na Drugoj redovnoj sjednici Općinskog vijeća Ilidža održanoj 25.03. 2021. godine, stekli su se uslovi za isplatu stipendija po prethodno navedenim odlukama. Ugovori sa dobitnicima stipendija su potpisani te će stipendije svim dobitnicima za protekli period biti isplaćene u narednim danima.

„S obzirom da je na snazi bila Odluka o privremenom finansiranju za period 01.01 - 31.03. 2021. godine, važno je bilo da se usvoji Budžet Općine Ilidža za 2021. godinu kako bi u što kraćem roku bili u mogućnosti da našim učenicima i studentima isplatimo stipendije koje su čekali. Isplata stipendija nam je prvi prioritet nakon usvajanja Budžeta i siguran sam da ćemo u narednim danima uspjeti izvršiti sve isplate. Još jednom koristim priliku da čestitam našim učenicima i studentima“, izjavio je načelnik Muzur.

Zbog epidemiološke situacije ove godine nije bilo upriličeno uručivanje ugovora o stipendiranju te će dobitnicima sredstava ugovori biti dostavljeni putem pošte.



Općini donirano 20.000 maski

Firma Dolfarm d.o.o. donirala je 20.000 medicinskih jednokratnih zaštitnih maski Općini Ilidža. Zaštitne maske će Služba civilne zaštite Općine Ilidža podijeliti Domu zdravlja Ilidža, ambulantama porodične medicine, Policijskoj upravi i građanima.

Takođe, firma ITR d.o.o donirala je 150 litara tečnosti za dezinfekciju javnih površina, pješačkih staza i površina u zgradama kolektivnog stanovanja čijim se rastvorom dobije 150.000 litara tečnosti za krajnje namjene.

Udruženje invalidnih osoba Blažuj doniralo je 120 vizira, koji su ručno izrađeni.

Ovim putem se još jednom zahvaljujemo našim prijateljima i uručenim donacijama te će Općina Ilidža nastaviti kontinuirano vršiti dezinfekciju javnih površina i preventivno djelovati na terenu sa ciljem zaštite građana i suzbijanja širenja koronavirusa.





Posjeta i podrška firmi Alternativa i Sinkro

S obzirom na požar koji je dobrim dijelom uništio dio proizvodnog pogona preduzeća Alternativa u Hrasnici, načelnik Nermin Muzur i predsjedavajući Općinskog vijeća Tarik Stambolić, zajedno s ministrom privrede Kantona Sarajevo Adnanom Delićem, 12. marta obišli su ovo preduzeće i razgovarali sa direktorom Salihom Lemešom.

Direktor Lemeš je istakao da je procijenjena šteta izazvana požarom oko 500.000 KM, ali da je najvažnije da nije bilo ljudskih, nenadoknadivih žrtava i nije krio zadovoljstvo posjetom, rekavši da obilazak i razgovor u ovim vremenima puno znači.

Takođe, načelnik Muzur, predsjedavajući Stambolić i ministar Delić upoznali su se sa načinom poslovanja i planovima ove firme. Alternativa je na tržištu lider u domenu termoizolacionih panela i profilisanih limova, a uspostavila je visoke tržišne standarde u korištenju sirovina i opreme na kojoj se vrši proizvodnja. Konstantnim investiranjem u modernu visokosofisticiranu opremu u ovom dijelu Evrope postali su apsolutni lider u proizvodnji termoizolacionih panela, krovnih i fasadnih limova, metalnih elemenata za krov i fasadu, kao i prateće građevinske galanterije. Ukupno broji 120 uposlenih, a u prošloj godini postignut je višemilionski profit.

U 2021. planiraju uložiti 9.000.000,00 KM u opremu i nove objekte, a uskoro svoje predstavništvo otvaraju i u Beču.

Nakon posjete Alternativi, ministar Delić i predsjedavajući Stambolić obišli su proizvodne pogone firme Sinkro u Hrasnici.

„Za ekonomiju izuzetno je bitno imati izvozno orijentisane kompanije. Ove dvije firme su uspješne poslovne priče sa poručja općine Ilidža kojima treba pružiti podršku u njihovom radu“, istakli su načelnik Muzur i predsjedavajući Stambolić.



Rukovodstvo Općinskog vijeća u posjeti Starom Gradu

P redsjedavajući Općinskog vijeća Tarik Stambolić i dopredsjedavajući Redžo Lemezan i Samir Avdić, posjetili su Općinu Stari Grad. Sa načelnikom ove općine Ibrahimom Hadžibajrićem, predsjedavajućim Općinskog vijeća Stari grad Mirzom Batalovićem i dopredsjedavajućim Malikom Garibijom, razgovarali su o unapređenju saradnje ove dvije općine.

Na sastanku su razmijenjena iskustva o radu općina te je iskazano opredjeljenje ka daljem unapređenju odnosa sa posebnim akcentom na provođenje zajedničkih projektnih aktivnosti, sa ciljem unapređenja ovih lokalnih zajednica.



Delegacija Općine posjetila mezar rahmetli Sabita Hadžića

D elegacija Općine Ilidža predvođena načelnikom Nerminom Muzurom posjetila je mezar rahmetli Sabita Hadžića povodom godišnjice njegove smrti.

Sabit Hadžić bio je jugoslovenski i bosanskohercegovački košarkaš i košarkaški trener. Općini Ilidža donio je 2 izuzetno bitne medalje. Nastupao je za KK Bosnu i bio član šampionske postave iz 1979. godine kada je KK Bosna postala šampion Evrope. Nastupao je i za košarkašku reprezentaciju Jugoslavije sa kojom je na olimpijskim igrama u Los Angelesu 1984. godine osvojio bronzanu medalju.

Sabit Hadžić je bio veliki čovjek kojeg pamte svi Ilidžanci. Veći dio svog života je proveo u Hrasnici.

Iako je Ilidža iznjedrila veliki broj uspješnih sportista, Hadžićeva sportska ostvarenja su bez konkurencije, ne samo na Ilidži nego i na teritoriji cijele Bosne i Hercegovine. Dvorana Kulturno-sportskog centra Ilidža nosi ime ovog velikana naše košarke i bh. sporta.



Velika proljetna akcija čišćenja

Načelnik Općine Ilidža održao je sastanak sa direktoricom KJKP RAD Sarajevo Verom Arnautović.

Na sastanku su prisustvovali predsjedavajući Općinskog vijeća Ilidža Tarik Stambolić, dopredsjedavajući Samir Avdić i predstavnici KJKP „RAD“ Sarajevo.

Tema sastanka bila je Proljetna akcija čišćenja Kantona Sarajevo koja će se realizirati u saradnji sa općinama. Osim čišćenja i uređenja zelenih površina, vršit će se i uklanjanje napuštenih i neregistrovanih vozila sa javnih površina i parkinga. Takođe, razgovaralo se i o saradnji u narednom periodu kao i o unapređenju djelovanja KJKP „RAD“ na području ove lokalne zajednice, a u segmentima za koje je nadležno ovo javno preduzeće.

Načelnik Muzur upoznao je direktoricu Arnautović i o planovima za akciju čišćenja Općine Ilidža u narednom periodu koja će se realizirati u saradnji sa JP Ilidža te će dodatnih 20 sezonskih radnika biti angažovano na održavanju čistoće na području ove općine.

Načelnik podržao projekat „Želim biti dio društva“

Projekat „Moj posao“ provodi češka humanitarna i razvojna organizacija People in Need te u okviru projekta provodi se kampanja „Želim biti dio društva“.

Cilj projekta je ekonomsko osnaživanje osoba sa invaliditetom (OSI), prvenstveno sa intelektualnim teškoćama, a cilj kampanje je podizanje svijesti šire javnosti o statusu i pravima OSI.



Uspostavljen viber broj za prijavu inspekciji

Općina Ilidža je sa ciljem poboljšanja komunikacije i što bržeg, efikasnijeg i boljeg djelovanja na terenu, uspostavila viber broj na koji će građani moći poslati svoje prijave iz nadležnosti Službe za inspekcijski nadzor Općine Ilidža.

Mole se građani da u porukama, prijavama i fotografijama koje šalju pojasne predmetnu situaciju i lokalitet. Svaki zahtjev će se detaljno analizirati i po procjeni izlaziti na teren. Nepotpuni zahtjevi se neće razmatrati.

Ukoliko građani koji izvrše prijavu putem vibera budu željeli povratne informacije o upućenoj prijavi, mogu se obratiti nadležnoj službi na kontakt telefon: 033/775-656.

Poruke i fotografije za Službu za inspekcijski nadzor možete slati putem viber broja 061 490 580.



PRIJAVITE INSPEKCIJI

**POŠALJITE VIBER
PORUKU NA BROJ**

+387 61 490 580

Počinje vakcinacija najstarijih građana

Načelnik Općine Ilidža Nermin Muzur na sastanku sa direktoricom Doma zdravlja Ilidža Džanom Šaćić izrazio je spremnost za pružanje podrške vakcinaciji najstarijih građana općine Ilidža koji su slabo pokretni, te je dogovoren plan i program vakcinacije.

Dogovoreno je da se otvori 11 punktova u prostorijama mjesnih zajednica, gdje bi se uz neophodnu opremu vršila vakcinacija građana, a sekretari mjesnih zajednica će putem telefona obavijestiti građane o terminu vakcinacije.

“Općina Ilidža će obezbijediti prevoz za sve one građane koji nemaju nikoga od članova porodice i prijatelja da ih dovedu na lokaciju vakcinacije. Pored službe CZ, biti će angažovani i volonteri Crvenog križa Ilidža”, rekao je načelnik Muzur. Dogovoreno je da će građanima koji su nepokretni i koji nisu u mogućnosti doći u prostor mjesne zajednice, tim iz Doma zdravlja doći na adresu i izvršiti vakcinaciju.





Predstavljeni Standardi integriteta i transparentnosti

Općina Ilidža je 26. marta 2021. godine, predstavila Standarde integriteta i transparentnosti u postupcima zapošljavanja, dodjele novčanih sredstava pojedincima, neprofitnim organizacijama i privredi putem javnog poziva, javnih nabavki, izdavanja dozvola i saglasnosti te inspekcijskih poslova u kojim postupka Općinska uprava. Standardi su izrađeni u saradnji sa projektom „Pilotiranje mehanizama transparentnosti i integriteta organa vlasti na kantonalnom i lokalnom nivou u BiH”, a kojeg finansira Vlada Ujedinjenog Kraljevstva putem sredstava UK Aid-a i provode TAF Western Balkans i Lucid Linx Sarajevo.

Učesnicima prezentacije su se obratili britanski ambasador u Bosni i Hercegovini Matt Field i načelnik Općine Ilidža Nermin Muzur.

Ambasador Field se zahvalio Općini Ilidža na dosadašnjoj saradnji te istakao: „Kada građani imaju pitanja, trebaju imati mogućnost da na njih dobiju odgovore. Lokalne uprave koje proaktivno pružaju informacija koje su građanima bitne, time pokazuju da su im interesi građana i njihov boljitak izuzetno važni. Ovaj projekat koji finansira Ujedinjeno Kraljevstvo pomaže Općini Ilidža da dodatno poboljša svoje usluge i bude transparentnija, sve na dobrobit građana.“

Načelnik Općine Ilidža se zahvalio na podršci Vlade Ujedinjenog Kraljevstva i izjavio da će biti donesena odluka kojom će biti usvojeni Standardi integriteta i transparentnosti u postupanju Općine Ilidža, a koji će na ovaj način postati obavezni vodič za postupanje zaposlenih u Općinskoj upravi.

Standardi su identificirani na osnovu prethodno analiziranih rizika za integritet i transparentnost, kao i na osnovu provedene ankete među stanovništvom Općine Ilidža o radu Općinske uprave u postupcima zapošljavanja, dodjele novčanih sredstava pojedincima, neprofitnim organizacijama i privredi putem javnog poziva, javnih nabavki, izdavanja dozvola i saglasnosti te inspekcijskih poslova. Namjera Standarda je da se osigura građanima transparentan uvid u rad Općinske uprave i iskaže jasno opredjeljenje da su stavovi građana i njihove potrebe osnovne odrednice za rad Općine.

Standardi za postupanje će biti dostupni na web stranici Općine Ilidža, kako bi svi korisnici usluga bili na jednostavan i brz način upoznati sa njihovim sadržajem.

Saradnja Općine i Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo

Ministar komunalne privrede, infrastrukture, prostornog uređenja, građenja i zaštite okoliša Kantona Sarajevo Enver Hadžiahmetović sa pomoćnikom Abdulahom Krivošijom i v.d. direktoricom KJKP “Vodovod i kanalizacija” Aidom Pendek, posjetio je Općinu Ilidža.

Sa načelnikom Općine Nerminom Muzurom i njegovim saradnicima razgovarao je o zajedničkoj realizaciji komunalnih projekata.

Prema riječima ministra Hadžiahmetovića, resorno ministarstvo na čijem je čelu sufinansirat će projekte iz Budžeta Kantona Sarajevo od namjenskih sredstava, a za područje općine Ilidža planirano je izdvajanje u iznosu od 850.000 KM. On je upoznao načelnika Muzura i da je u ovoj godini Ministarstvo planiralo izdvajanje od 1.800.000 KM za utopljanje objekata Doma zdravlja Ilidža, Prve i Treće osnovne škole.

Tokom sastanka razgovaralo se i o problemima sa kojima se susreće općina Ilidža, od problema legalizacije objekata, postojećeg Eloboratu o sanitarnim zonama do gradnje škole u MZ Stup II te je istaknuto da je u rješavanju ovih pitanja izuzetno bitna podrška Ministarstva..

“Lokacija koja je prema RP Stup Nukleus planirana za izgradnju osnovne škole je pod “sudskom privremenom zabranom otuđenja i opterećenja nekretnina” sa nepoznatim rokom skidanja, što je dodatna neizvjesnost i same eksproprijacije, u cilju izgradnje škole. Zahtjev građana o neophodnosti izgradnje škole iskazan je u više navrata potpisivanjem i peticije pa i prijedlozima za definisanje nove lokacije za izgradnju škole. Mi ćemo u što kraćem roku pokušati naći rješenje po ovom pitanju jer je opredjeljenje Općine Ilidža što prije započeti izgradnju škole na području MZ Stup II” dodao je načelnik Muzur.





Načelnik Muzur prezentirao 100 dana svog mandata



Načelnik Općine Ilidža Nermin Muzur, u povodu 100 dana svog mandata održao je press-konferenciju na kojoj je prezentirao svoj rad u proteklom i narednom periodu.

Istakao je da je zvanično preuzeo mandat općinskog načelnika 23.12. 2020. godine te da je u proteklom periodu mnogo aktivnosti realizovano ali i planirano za realizaciju u narednom periodu.

„U predizbornoj kampanji prezentirali smo Plan za Ilidžu 2020.-2024. godina po kojem radimo i postupamo. Možemo reći da smo već u prvoj godini mandata, oko 90 posto obećanog i započeli i planirali Budžetom Općine Ilidža za 2021. godinu“, kazao je načelnik Muzur.

Prilikom preuzimanja mandata, načelnik Muzur je zatekao brojne nelogičnosti i probleme prethodne administracije i to: tekući deficit u iznosu od 6.128.543 KM kao rezultat lošeg upravljanja javnim finansijama, problemima sa građevinskim i urbanističkim dozvolama, Općina bez važeće Strategije razvoja, općinska imovine nije evidentirana u poslovnim knjigama, budžet nije izvršavan u skladu sa odredbama Zakona o Budžetima u FBiH i Pravilnikom o knjigovodstvu budžeta u FBiH što je dovelo do nenamjernog korištenja budžetskih sredstava, nenaplaćena potraživanja u iznosu od 4.8 miliona, nije implementiran Zakon o finansijskom upravljanju i kontroli, nije izvršena revizija poslovanja za 2019. godinu, uposlenici Općine nisu ocijenjeni četiri godine, nije formirana Interna revizija Općine Ilidža, a digitalizacija javne uprave na vrlo lošem nivou i sl..

U periodu od preuzimanja mandata poduzeto je niz mjera sa ciljem poboljšanja transparentnosti rada, usklađenosti poslovanja sa zakonskim odredbama i uspostavom efikasnije javne uprave: poništeni su konkursi za radna mjesta jer je prilikom nadzora inspekcije utvrđeno kako 33 uposlenika Općine nezakonito je unaprijedeno sa mjesta namještenika na mjesta državnih službenika, obračun plate usklađen je sa Zakonom, poduzete aktivnosti usmjerene na prevenciji i borbu protiv korupcije te povećanje transparentnosti u radu Općine Ilidža u saradnji sa Uredom za borbu protiv korupcije i upravljanje kvalitetom Kantona Sarajevo, izrađeni Standardi integriteta i transparentnosti u postupcima zapošljavanja, dodjele novčanih sredstava pojedincima, neprofitnim organizacijama i privredi putem javnih poziva, javnih nabavki, izdavanja dozvola i saglasnosti te inspeksijskih poslova, uspostavljen viber broj za inspekciju, započete aktivnosti na izradi Integrirane strategije razvoja, pokrenute procedure implementacije FUK-a, transparentna dodjela budžetskih sredstava, itd.

Istakao je da je Budžet Općine Ilidža za 2021.godinu razvojni sa naglašenom socijalnom komponentom. Predviđeni su programi socijalne podrške, podrške boračkoj populaciji, programi aktivne politike zapošljavanja i razvoja privrede i turizma, podrške subjektima i institucijama od interesa za razvoj lokalne zajednice, podrška razvoju kulture, sporta, obrazovanja, program prostornog planiranja i uređenja građevinskog zemljišta, unapređenje lokalnih cesta, uređenje javnih površina i zaštite okoliša i dr.

Predviđena je podrška privredi, mladima uz subvencioniranje plaćenog poreza za prvo stambeno zbrinjavanje, i mnogi drugi projekti sa ciljem poboljšanja uslova života građana i građanki Općine Ilidža.

Takođe, uspostavljena je saradnja sa višim nivoima vlasti sa ciljem zajedničkog djelovanja za unapređenje općine Ilidža, započet dijalog sa privrednicima, uspostavljena autobuska linija Hrasnica - Vijećnica, upućena inicijativa višim nivoima vlasti, da Stojčevac bude dodijeljen Općini Ilidža na raspolaganja i korištenje, i dr.

Aktivnosti koje su poduzete povodom migrantske krize od saradnje sa svim nivoima vlasti, IOM-om, policijom, Službom za strance, Ministarstvo sigurnosti BiH, za rezultat dalo je smanjenje broja migranata u migrantskom kampu Blažuj.

„Posebno smo ponosni što se broj migranata u migrantskom kampu Blažuj od decembra do aprila mjeseca smanjio sa 3400 na 1700“, istakao je načelnik Muzur.

Plan djelovanja protiv korone podrazumijevao je prilagođavanje rada (otvoren eksterni Info Desk) i vršena je kontinuirana dezinfekcija javnih objekata i javnih površina, haustora, igrališta itd.

Donesene su mnoge olakšice za privrednike i to umanjeње zakupnina i javnih površina, reprogram dugovanja te će se građanima putem javnog poziva besplatno dodijeliti općinsko zemljište koje je obrađeno za sjetvu.

U narednom periodu slijedi velika akcija čišćenja Općine Ilidža, te će JP Ilidža zaposliti 20 sezonskih radnika koji će kontinuirano na terenu održavati i čistiti ulice i parkove.

Kapitalni projekti koji su započeti su radovi na Sarajevskoj zaobilaznici, rekonstrukcija vrtića Lužani“, rekonstrukcija isključne trake sa ceste Zapadni prilaz gradu u naselju Osijek, regionalni put R952 Butila - Osik - Plandište, dionica: Stara pruga - Osijek, kružni tok na spoju ulica M17-Ibrahima Ljubovića-Bosanskih gazija, ratni put prema Igmanu, ulica Hrasnička cesta od spoja sa ulicom Butmirska cesta do spoja sa M17, postavljanje i obnova vertikalne saobraćajne signalizacije u nadležnosti Direkcije za puteve na području općine Ilidža, ulica Stojčevac I dr.

Posebno je istakao izgradnju tramvajske pruge Ilidža - Hrasnica, koji je godinama planirana, ali nikada nisu poduzeti konkretni koraci za realizaciju ovog projekta. U planu je da u ovoj godini budu riješene administrativne procedure te nakon toga da krene i prva faza realizacije.

Među konkretnim projektima, naveo je izgradnju osnovne škole na Stupu i žičaru Hrasnica-Igman, te je najavio upošljavanje 45 do 50 volontera kojima će se dati šansa da svoje prvo radno iskustvo steknu u Općini.

Na kraju, načelnik Nermin Muzur istakao je i predizborno obećanje „Ilidža, dom dobrih ljudi“ dodavši da Ilidža može i zaslužuje bolje.



U prvih 100 dana Općina Ilidža dokazala da je lider u borbi protiv korupcije

Općinski načelnik Nermin Muzur i šef Ureda za borbu protiv korupcije i upravljanje kvalitetom Kantona Sarajevo Erduan Kafedžić, u prisustvu savjetnika za borbu protiv korupcije Erika Larsona, predsjedavajućeg općinskog vijeća Tarika Stambolića i dopredsjedavajućih Samira Avdića i Redže Lemezana, potpisali su danas Sporazum o saradnji u aktivnostima na prevenciji i borbi protiv korupcije u ovoj lokalnoj zajednici.

Potpisivanjem ovog sporazuma Općina Ilidža postala je dio antikorupcijskog sistema u Kantonu Sarajevo i pristupiti će implementaciji Odluke o Registru zaposlenih u javnom sektoru na području KS, Odluke o Registru imenovanih lica u KS i Odluke o Registru podataka o javnim nabavkama, čime će ovi registri biti uspostavljeni u ovoj općini i ustanovama kojima je ona osnivač, a sve u cilju povećanja transparentnosti rada.

„Općina Ilidža je u prethodnom periodu implementirala i realizirala niz mjera i aktivnosti sa ciljem poboljšanja transparentnosti rada, usklađenosti poslovanja sa zakonskim odredbama i uspostavljanjem efikasne javne uprave. Želimo se zahvaliti Uredu za borbu protiv korupcije i upravljanje kvalitetom, Američkoj ambasadi u BiH i gospodinu Eriku Larsonu na saradnji u proteklom periodu ali i za pružanje bezrezervne podrške u svim reformskim procesima u narednom periodu“, kazao je načelnik Muzur.

Šef Ureda za borbu protiv korupcije i upravljanje kvalitetom Kantona Sarajevo Kafedžić istakao je da je potpisivanje ovog sporazuma veliki korak za Općinu Ilidža, koji pokazuje opredjeljenost za transparentan rad i prevenciju i borbu protiv korupcije. Ured intenzivno radi na okrupljavanju antikorupcijske zajednice kako bi sve jedinice lokalne samouprave bile integrisane u jedinstveni antikorupcijski sistem.



Gospodin Erik Larson izrazio je zadovoljstvo u svoje ime, kao i u ime Američke ambasade u BiH na potpisivanju Sporazuma o saradnji u aktivnostima na prevenciji i borbi protiv korupcije između Općine Ilidža i Ureda.

„U prvih 100 dana rada Općina Ilidža dokazala je da je lider u borbi protiv korupcije u Kantonu Sarajevo. Današnje potpisivanje sporazuma je još jedan konkretan korak u ovoj borbi i Američka ambasada je ponosna što može da podrži ove procese. Raduje me kada imamo hrabre ljude koji žele raditi transparentno i koji svojim radom dokazuju svoju opredjeljenost u borbi protiv korupcije. Općina Ilidža je pozitivan primjer antikorupcijskih procesa“, istakao je savjetnik Larson.

Na kraju, načelnik Muzur se zahvalio gospodinu Larsonu na tome što je prepoznat rad Općine Ilidža i dodao da je to dodatni motiv i ohrabrenje za buduće korake i djelovanje Općine Ilidža.

Usvojen set mjera za privrednike i građane

Sa ciljem prevazilaženja posljedica koje je pandemija i pojava koronavirusa ostavila na ekonomiju i privredu u 2020. i 2021. godini te zbog smanjenih prihoda i otežanog poslovanja, Općina Ilidža je u narednom periodu pripremila set mjera pomoći za privrednike i građane.

Općinsko vijeće Ilidža na prijedlog Općinskog načelnika, donijelo je niz odluka sa ciljem prevazilaženja posljedica pandemije za privrednike i građane i to:

- * Neće se plaćati zakupnina općinskih poslovnih prostora za period zabrane rada tokom pandemije,

- * Korištenje javnih površina i bašta umanjit će se za 50% u naredna 3 mjeseca sa mogućnošću produženja,

- * Dugovanja za zakupnine u prošloj godini se mogu platiti do 31.12.2021. godine i neće biti prepreka za buduće apliciranje i saradnju sa Općinom,

- * Dužnici za rentu u 2020. godini, moći će istu platiti u

ratama do kraja 2021. godine,

- * Dužnici Općine Ilidža će se osloboditi plaćanja zateznih kamata, uz obavezu plaćanja samo glavnog duga i troškova sudskog postupka,

- * Građanima će se besplatno dodijeliti poljoprivredno zemljište za sezonsku sjetvu.

„Teret pandemije ne smiju samo snositi privrednici i građani, nego svi zajedno trebamo djelovati na najbolji mogući način kako bi prevazišli posljedice koje su uzrokovane pojavom koronavirusa. Mi kontinuirano tražimo najefikasnije mehanizme i olakšice za privrednike i građane u skladu sa mogućnostima Općine“, izjavio je načelnik Muzur.

Takođe, načelnik Muzur je najavio da će u narednom mjesecu biti donesen i set mjera za zapošljavanje, samozapošljavanje i pokretanje start up biznisa.



Potpisan sporazum za održavanje nerazvrstanih cesta

Potpisan je Sporazum između Općine Ilidža, JP Autoceste FBiH d.o.o. Mostar, Direkcije za puteve KS i Izvođača radova EuroAsfalt d.o.o. za redovno održavanje, sanaciju i rekonstrukciju lokalnih i nerazvrstanih cesta na području općine Ilidža, a koji se koriste pri izvođenju radova na izgradnji Sarajevske obilaznice LOT 3B.

Predmet ovog Sporazuma su sljedeće ulice:

- * Vlakovo (od Zapadnog prilaza do ul. Vlakovo 568),
- * Krak ul. Vlakovo (od objekta JUB do VII osnovne škole),
- * Krak ul. Vlakovo od br.23 do 37.,
- * Rogačići od br.2 do br.10.

Izvođenje radova na održavanju i sanaciji u skladu sa potpisanim sporazumom izvršit će Euro-Asfalt d.o.o.

„Zahvaljujem se potpisnicima ovog Sporazuma s obzirom da je vrlo važno da se prilikom izgradnje Sarajevske zaobilaznice, građanima i stanovnicima ovog lokaliteta osigura siguran i nesmetan promet do završetka radova“, istakao je načelnik Muzur.

Posjeta Crkvi svetog Save u Blažuju

Ususret pravoslavnom prazniku Vaskrsu, općinski načelnik Nermin Muzur posjetio je Darka Danilovića, paroha blažujskog i Crkvu Sv. Save u Blažuju. Crkva je zajedno sa grobljem proglašena za nacionalni spomenik Bosne i Hercegovine.

Prilikom posjete i obilaska razgovaralo se o redovnim aktivnostima Crkve, o obilježavanju 125. godišnjice i o mnogim drugim temama. Potpisana je i redovna podrška Općine Ilidža Crkvi sv. Save kroz Program podrške vjerskim zajednicama te je ove godine iznos podrške povećan.

Također, predstavnici Općine su oprali i dezinfikovali prostorije i dvorište Crkve kako bi ovaj prostor bio spreman za nadolazeći praznik. Paroh Danilović se zahvalio načelniku Muzuru na posjeti te je istakao kako se raduje i budućim posjetama i saradnji.

„Bogatstvo različitosti trebamo čuvati, njegovati i biti primjer svima kako zajedno moramo, trebamo i možemo graditi našu lokalnu zajednicu i odgovornije društvo“, izjavio je načelnik Muzur.



Podjela ramazanskih poklon bonova

Dvije stotine korisnika iz socijalno ugroženih kategorija sa područja općine Ilidža će dobiti ramazanske poklon kupone za kupovinu osnovnih životnih namirnica koji su donacija humanitarne organizacije Lige muslimanskog svijeta u Bosni i Hercegovini.

Načelnik Općine Ilidža Nermin Muzur i direktor Ureda Lige muslimanskog svijeta u BiH Abdullah bin Rahmatullah Quari potpisali su Memorandum o saradnji i uručili određeni broj poklon kupona korisnicima dok će se ostatak dijeliti putem mjesnih zajednica.

„Želim izraziti zahvalnost Uredu lige muslimanskog svijeta na donaciji i pomoći socijalno ugroženoj kategoriji stanovništva. Nadam se da ćemo osim humanitarne saradnje, u budućnosti realizirati i projekte iz oblasti kulture i sporta, a sve u interesu jačanja dobrih odnosa naše države i Saudijske Arabije“ dodao je načelnik Muzur.

Direktor Quari se zahvalio načelniku Muzuru, čestitao mu na osvojenom mandatu i poželio puno sreće u budućem radu.

„Sigurni smo da ćemo imati izuzetnu saradnju sa Općinom Ilidža i u budućnost i da ćemo zajedno pomagati građanima“, rekao je Quari.

Inače, Liga muslimanskog svijeta je islamska svjetska narodna organizacija sa sjedištem u Mekki, osnovana 1962. godine. Pomoć socijalno ugroženim kategorijama u Bosni i Hercegovini realizuju od 2009. godine, a ove godine podijelit će ukupno 6.000 poklon-kupona. Donaciju će dijeliti svima koji su u stanju potrebe, bez obzira na vjeroispovijest. Projekat realizuju i u susjednim zemljama: Srbiji, Hrvatskoj, Makedoniji i Crnoj Gori.





Obilježena godišnjica smrti Hajrudina Klepe



Učenjem Fatihe i polaganjem cvijeća 5. aprila 2021. delegacija Općine Ilidža predvođena načelnikom Nerminom Muzurom obilježila je godišnjica smrti Hajrudina Klepe

U organizaciji Općine Ilidža i Udruženja organizatora otpora veterana rata, dobrovoljaca, prvoboraca i branilaca Zelene beretke i u prisustvu rodbine, prijatelja, saboraca,

predstavnik boračkih udruženja, odati je počast Hajrudinu Klepi koji je poginuo prije 29. godina.

Rahmetli Hajrudin Klepo se među prvimu priključio Zelenim beretkama i sudjelovao u akciji izuzimanja oružja i MTS-a iz baze u Krtelju. Prilikom jednog od mnogobrojnih ulazaka u bazu u pokušaju da osposobi transporter, poginuo je od snajperskog hica.

Obilježena godišnjica Kotoračke bitke

Zbog epidemiološke situacije, polaganjem cvijeća i odavanjem počasti šehidima i poginulim borcima, na simboličan način obilježena je godišnjica Kotoračke bitke i Dan MZ Butmir. Delegacija Općine Ilidža predvođena načelnikom Nerminom Muzurom i rukovodstvo Općinskog vijeća, položili su cvijeće na spomen-obilježje u Butmiru, i ispred MZ Donji Kotorac, kao i na mezar načelnika Amera Čenanovića. Organizator događaja je JOB "Unija veterana" i Općina Ilidža. Cvijeće su položile i delegacije boračkih udruženja, Ministarstva za boračka pitanja KS i političkih partija. Bitka za Kotorac odvijala se od 17. do 21. marta 1993. godine i smatra se jednom od najvažnijih bitki za opkoljeno Sarajevo.



Obilježena godišnjica smrti Amera Čenanovića

Općinski načelnik Nermin Muzur, predsjedavajući Općinskog vijeća Tarik Stambolić i dopredsjedavajući Općinskog vijeća Samir Avdić, posjetili su mezar rahmetli Amera Čenanovića povodom desete godišnjice od njegove smrti.

Obavljajući dužnost općinskog načelnika od 2004. do 2011. godine, uložio je veliki trud za unapređenje općine Ilidža te će ga Ilidžanci pamtiti kao čovjeka koji se svojim radom zalagao za dobrobit građana ove lokalne zajednice.

Umrro je 1. aprila 2011. godine, u 51. godini i posthumno mu je dodijeljena Zlatna plaketa Općine Ilidža.





Neka je sretan Dan Armije BiH



Povodom obilježavanja 15. aprila, Dana Armije Republike Bosne i Hercegovine, upućujemo iskrene čestitke svim demobiliziranim pripadnicima Armije, porodicama šehida i poginulih boraca, ratnim vojnim invalidima i građanima koji su dali svoj doprinos u očuvanju Bosne i Hercegovine.

Naša je obaveza da se sjetimo, odamo počast i iskažemo najdublju zahvalnost našim borcima koji su u najtežim trenucima osigurali današnju slobodu, mir, te sačuvanje teritorijalnog integriteta i suvereniteta naše Bosne i Hercegovine.

Obilježena 28. godišnjica “Bitke za Košćan”

Polaganjem cvijeća i učenjem Fatihe na spomen-obilježju u Rakovici i na Košćanu obilježena je 28. godišnjica “Bitke za Košćan.”

Delegacija Općine Ilidža, predvođena predsjedavajućim Općinskog vijeća Tarikom Stambolićem odala je počast poginulim pripadnicima Armije BiH iz Rakovice.

Cvijeće su položile i delegacije Ministarstva za boračka pitanja Kantona Sarajevo, Općine Hadžići, Koordinacije boračkih udruženja općine Ilidža, Udruženja boraca Veterani rata 92-95 Rakovica, Udruženje Devete brdske brigade, Udruženje RVI Bukovica, Četvrte viteške brigade i MZ Rakovice.

Događaj je organiziran uz poštivanje svih mjera propisanih naredbama Kriznog štaba Federalnog ministarstva zdravstva.



Obilježen 22. april Dan odbrane Ilidže

Uorganizaciji Patriotske lige Općine Ilidža i Udruženja „Četvrta viteška motorizovana brigada“ obilježen je 22. april, Dan odbrane Ilidže. Delegacija Općine Ilidža, općinski načelnik Nermin Muzur, predsjedavajući Općinskog vijeća Ilidža Tarik Stambolić i dopredsjedavajući Redžo Lemezan i Samir Avdić, položili su cvijeće na spomen-obilježju ispred ratne bolnice “Ćamil Marić” u Hrasnici, ispred Pete osnovne škole u Sokolović-Koloniji i ispred Centralnog obilježja šehidima i poginulim borcima.

U prisustvu građana, članova porodica, predstavnika boračkih organizacija, nekadašnjih boraca, prema utvrđenom protokolu delegacije su položile cvijeće, te učenjem Fatihe i na drugi prigodan način odali počast šehidima i poginulim borcima čija imena su ispisana na spomen-obilježjima.





Odlične vijesti: Registrovana autobuska linija Hrasnica-Ilidža- Vijećnica

Informišemo građane i građanke da je na inicijativu Općine Ilidža registrovana autobuska linija Hrasnica - Ilidža - Vijećnica sa ciljem rasterećenja prijevoza tramvajskim vozilima i unapređenja javnog prijevoza na ovoj relaciji.

Važno je istaći da su cijene prevoznih karata na autobuskoj liniji u skladu sa tarifnim sistemom na „Mreži linija javnog linijskog prijevoza putnika na području Kantona Sarajevo“ što znači da će važiti mjesečni kuponi i cijena pojedinačnih karata će iznositi 1.80 KM.

„Ovim putem se zahvaljujemo ministru Adnanu Šteti što je realizirana naša pokrenuta inicijativa i siguran sam da će ova autobuska linija itekako olakšati građanima i građankama Ilidže prilikom korištenja javnog prijevoza“, istakao je načelnik Nermin Muzur.



Novčane pomoći za 154 novorođene bebe

U skladu sa Pravilnikom o dodjeli jednokratne pomoći za novorođeno dijete, Općina Ilidža je za period od 01.01. do 31.03. 2021. godine dodijelila jednokratne novčane pomoći za 154 novorođene bebe. Iz Budžeta je za te namjene izdvojeno 30.800,00 KM. Ovaj projekat Općina Ilidža realizira s ciljem poboljšanja nataliteta na području ove lokalne zajednice.

Općina Ilidža obezbijedila je i jednokratne pomoći za lica u stanju socijalne potrebe. Od početka godine pa do 1. aprila 2021. dodjeljena je pomoć za 277 porodica, odnosno 45 650,00 KM. Participiranje u liječenju teško oboljelih osvarile su 44 osobe, a iz budžeta je izdvojeno 58.300,00 KM.

Iako zdravstvo nije u nadležnosti jedinica lokalne samouprave, Općina Ilidža izdvaja iz budžeta značajna sredstva za jednokratne pomoći za sufinansiranje troškova medicinske potpomognute oplodnje. Od početka godine 20 parova sa područja općine Ilidža ostvarilo je to pravo, a dato je 33.500,00 KM.



ABA 2 liga na Ilidži

U periodu od 01.03.-07.03.2021. godine na području općine Ilidža održan je treći balon ABA 2 lige.

Tim povodom, na press konferenciji, obratili su se direktor ABA lige Milija Vojinović, načelnik Općine Ilidža Nermin Muzur, te predsjednik Omladinskog košarkaškog kluba Spars Nihad Selimović.

„Hoću da vjerujem da je ovaj turnir na Ilidži početak Evropskog puta i povratak na Evropske staze kada je u pitanju klupska košarka u BiH, a time prvenstveno mislim na Kanton Sarajevo i Općina Ilidža. Izuzetno je veliko zadovoljstvo i čast što se ovaj balon ABA 2 lige održava na Ilidži, to je velika stvar za naše mlade sportiste. Ono što je važno jeste poruka koju šaljemo, a to je da je naša općina uvijek bila sportska općina. Općina Ilidža ima olimpijsku medalju i medalju Evropskog prvaka, a nju nam je donio naš rahmetli Sabit Hadžić po kojem se i zove sportska dvorana na Ilidži i upravo će ekipe ABA 2 lige trenirati u toj dvorani. Na poziv Nihada Selimovića predsjednika OKK Spars ekspresno



smo uradili sve što je bilo u našoj mogućnosti da zajedno sa OKK Spars organizujemo ovaj turnir na Ilidži. Svim učesnicima kako trenerima i igračima, upravama klubova, svima onima koji su dali doprinos i naravno rukovodstvu ABA 2 lige želimo puno sreće“, istakao je načelnik Muzur.